

Scheibenschlagen

2015

Nachname Vorname

Löschgruppe Graf-Gurnau

Grafer Kapelle

Liabe Leit, heint mecht mar enk olla schia begrießa,
wos d'rnoch iatz kimmt, sell kuan verdrießa.
Noch oltem Brauch tia mar ou Böller schiaßa.
A Verübl, dös war ins gor it recht,
a Hetz muaß sei, wega dem tia mar's decht.
D'Fuirwehr tuat enk in dr Noat olli halfa,
drum seits it beas und lot'sas galta.
Die earscht Scheiba, die hella,
keart dr Grafer Kapella.
Daß dr hl. Johannes von Nepamuk weiterhin über ins wocht,
und in dr letschta Stund für olla a Fürsproch mocht.

Da Böller hobts keart, iatz gia mar's on,
zearscht keima huira d'Grafer dron.

Bürgermeister & Vize Lutz Thomas Sieß Reinhold

Mit deara Scheiba, dia miar iatz auða schießa,
wella mr in Bürgermeister uns sein Vize begrießa.
D'Fuirwehrrhalle isch plant mir warte lei drau,
bis endlich anfangt der Bau.
Tiat sas ins lei rechtzeitig sogä,
damit mar ou kenna zum Halfa auf der Baustell frei frogä.
Iatz no a Raketa und an Böller aua singt,
dass des ou alles guat gelingt.

Fam Hotz Oskar Edith

Mir kenna enk huira nit viel plogä,
weil ma unfach nuit tuat drfrogä.
Mir winscha enk nou viel Gsundheit,
und a Raketa joga mar iatz aua gonz weit!

Hotz Hannes

HotzArchitekten - die nui Firma - da kenna mar gratuliera
und tia glei drau a Raketa spendiera.
D'Fuirwehr wünsch enk viel Erfolg und iatz zum Schluss,
dia Scheibe weit auða geat mit ama morz Schuss.

Hotz Beate

An d'Lydia mehta mar iatz im Stilla denka,
und a schiane Raketa gen Himmel aua lenka.
D'Beate hat iatz a morz Aufgabe zum tia
denn so a Haus zum Dr-holta isch nit lei schia.
Dass dr deas ou gelingt,
die Scheiba weit auBa singt.

Hotz Monika

D'Monika deas isch decht schia,
wenn mit dr Enkali konsch spaziera gia.
Mir winscha dr viel Elan und Gsundheit im nuia Johr
und schiaße nou an Böller fürwohr.

Nöbl Markus

Dr Markus hot an nuia Schritt in dr Karriere gmocht,
den hot nämlich a nui Arbeit anglocht.
A lange Zeit hot dr Markus di Atemschutztruppe mitbetreit
letztesch Johr wor´ s aber dann soweit.
er isch zum Zugskommandant augstiega
dazu tuat dr die Löschgruppe recht herzlich gratuliera.
Für´ s Johr 2015 wünsch ma dir guat´ s gelinga
und lassa iatz die Scheiba weit ausi singa.

Fam Hotz Martin & Maggi

Liabe Maggi, liaber Martin, für enk lossa mar a Raketa aus,
weil bei enk isch iatz ua Person mia im Haus.
A kluans Biabli mocht seine Oaga auf,
deas isch alli wieder a Wunder, schauats guat drauf.
Raimund , so hoast dear Bua,
ganz viel Glück auf deara Walt, drum haua mar no an Böller darzua.

Gostner Petra

Was sella ma der Petra denn schreiba,
da bisch als Sprichli schreiber wirklich nit zum beneida.
Nuit heart ma und sight ma, deis isch a Gfrett,
wenn ma enk lei amol secha tat, do oder det.
Deshalb tia ma die negschta Scheiba, ganz, ganz weit aussu treiba.

Bar Melody

In d'r Bar Melody isch olli guat hocka,
da gibt's a Bier deas tuat die nit glei Hoam locka.
Auf an Kaffee keart ma ou gera ein,
zum ratscha isch es recht fein.
Dass deas G'schäft no länger guat loaft,
hat enk d'Feuerwehr an Böller koaft.

Fam Schröcker Hermann & Frida

Der Hermann hat huira ganz ungeniert
da Stadtgemeinde a Christbamli spendiert.
Vor'm Zappa in Landeck ischas gstonda und war bsunders schian gschmückt
Da isch des Geschenk ja wirkli glückt.
Die Frida geiht huira tirolweit oft spaziera,
weil mit dera nuia Tirolcard lasst sichs leichter kalkuliera.
A Scheiba fliegt aussa für enk zwoa ganz weit,
bis zum nächsta Schloga , wünsch ma enk a schiane Zeit.

Schröcker Evelyn

Mit dar nägsta Scheiba tia mar aussa schiassa,
tian mar d'schröckers Evi recht herzli begriassa.
Mir hoba gsecha du tuasch gera vorm Haus auf dr Bonk hocka
a bissali leasa und reacha und die fescht in a wormi Decka inpocka.
Gor nit blead war do, wenna Gald nit lei auf'd Bank tuasch troga,
sondern amol a Investition in a Sitzheizung tatsch woga.

FA Walch + Plangger

Die Firma Walch und Plangger im Strengbua obenau
Isch spezielisiert auf Wosser und Kanalbau
Dös zum plana isch nit so leicht
da isch viel Arbeit dahinter bis des Wasser die Kläranlage erreicht.
Mir lassa no an Böller krocha
und wünschen enk viel Auftrüg und Zuig und Socha.

FA Streng

Die gelbe Auto, wie jeder weiß
sei vor Firma Streng überroll auf d'r Straße
Ob im gonza Lond oder z'Starkabocho
Glo'da hoba si olli bis über's Dach.
Heare tuat ma schuan lei guati Socha
weil ou dia Bagger olli a rechte Orbat mocha.
A Raketa iatz nou dazu marschieret,
daß sich dia viel Orbeit ou olli rentiert.

Ruetz Getrud

Mit dia poor Zeila wella mar ins amol beschwera,
vu dir kriagt ma überhaupt nix zum heara.
In Zukunft miassa mar wohrscheinlich an Spion engagiera
um a paar guate Gschichtla vu dir zu lukriera.
Miar schicka iatz a Scheiba übern Berg auf dass ma im negschta Johr mia vu
diar heart.

Fam Matt Egon Annemarie

Dia nägscht Scheiba tian mar dem Egon und der Annemarie verehra,
ou wenn ma vu enk nit gar a soviel tuat heara!
Dr Egon lasst am Hundplatz die Hund umarena,
derweil tuat sei nuis Auto bald abbrenna!
Die Fuierwehr isch ausgeruckt, hat aber nimma viel gnutzt,
dreischaut hat der Egon ganz verdutzt!
A Raketa lassa miar dir iatz nou aua singa,
und hoffa fürs nuie Auto es dir viel Glück tuat bringa!

Matt Christian

In Christian kenna mar zum Nuia- Olta Kammerrat gratuliera,
er hot iatz schua derfa 3-mol kandidiera.
Mit'm Gald weard er eppa spora,
denn ma sieht ihn nur mit'm Auto der Mutter umchafohra.
Tuasch s' Gald anderwertig investiera,
du wasch, mir kema ou nou zu dir kassiera.

Sailer Christian & Patscheider Karin

Vom Christian und dr Karin isch nit leicht was z' dr froga
da isch es schwar eppas zu sogä.
Gsundheit, Glick und s allerbescht
winschn mir enk heint bei inserm Fescht.
Weil heara tian mar wirklich nix,
a Scheiba kriagsts es aber ou, sal isch fix.

Maidel Wilfried

Im Willi kenna mir huira zum Nachwuchs gratuliera,
und lassa dafür glei a Raketa in Himmel auchi marschiera
Mit m Lucas hasch sicher olli viel zum tian,
deas isch aber ou ganz schian.
A sou a Familie dia gibt uam Holt,
und desweaga iatz ou an BÖLLER für enk knallt!
Beim Holzhoaza deas deis kenna mar huira sogä
tuasch di mit'r Ascha wohl umchaploga.
Fuir hot deas gfonga im Kellar - oh Graus
und dr Willi louft mit'm Wasserkiabl ein und aus.
S'Fuir sei gläscht so hamas am Pager g'keart
und so nur a kleine Einheit der Grinner Fuirwehr bei dir zukeart.
Mir hofffa dein Schada isch nit so groß,
mir schicka iats no a Raketa auf'd Roas.

Fam Schmid Robert Monika

Beim Robert und Monika fallt's ins oft schwar was zum dichta,
aber ma sieht in Robert alli was richta.
Nuie Fenster misaßä wiedermal sei, des isch klor,
so bleibt des Haus alli schian grichtat fürwohr.
Weil alli isch eppas zum mocha
Iatz lossa maren enk no an Böller krocha.

Fam Nitsche Kurdoglu Gerald Brigitte

Ums Haus vom Nitsche da brauchsch nuit pflonza,
da wachst va salber alls und tuat in Himmel auaronka.
Bei dena Bäm kua Loater tuat mia aua longa,
dr Gerald fongt schua on bongä.
An Ascht kannt ochabrecha aufs Haus,
aber dFuirwehr oaschtet rechtzeitig aus.
Iatz lossa mar no a Raketa aua,
weil iatz sechat's ja wieder in Himmel aua!

Fam Horvath Erich Elisabeth

D' Bondscheibe vor Elisabeth und vom Erich kann man numma repariera,
so haba die zwei s'Badezimmer schnellst meglich wella saniera.
Zwoi Woche hoba sie in Baustoub ausholta miaßa,
nocha hoba sie a barrierefreies Bod kenna genießa.
Iatz kennats endlich unbeschwert Duscha gian,
und bei dar nuia Optik vom Bod isch des glei doppelt so schian.
Dass ou im kemata Jahr alles wie geplant gelingt,
enk no a Raketa in a Himmel singt.

Fam Horvarth Thomas Denisa

Thomas, mir mechta enk mit'm Sprichla gera ploga,
aber leider tia miar fascht nuit dr'froga.
In der Stadt der Liebe - in Paris
da war er mit dr Denisa des isch gwiaß.
Da habat's sicher schiane Stunde gkett,
mir schloga iatz a Scheiba weit außa vom Brett.

Horvarth Martha

Die negst Scheibe ist draußa aus der Gluat,
der Martha geht's ou recht guat.
Vor Martha wissa mar oller hond,
im Summer isch sie gera umeinand.
So tut sie ab paar Tog Erholung in Vorarlberg buacha,
und nebabei ou no a poor Verwondte bsucha.
Martha tua die ou negst Johr so amüsiera,
die Fuerwehr tuat der no a Raketa spendiara.

Autohaus Zangerl

Huir hats Autohaus Zangerl zum Feiera geba allerhand,
Seit 20 Jahr verkofa dr Roland und dr Ingo die Autos am fließenden Band.
Seit 2007 sein sie iatz bei ins da in Graf,
und nuit isch umma mit am Winterschlaf.
Die Autos sein immer hervorragend poliert
Da sigt ma dass der Loda funktioniert.
Und wos ma ou alli wieder heart,
daß ma ou bestens bedient und berota weard.
A Scheiba fliegt aussu für enk ganz weit,
bis zum negschta Schloga, wünsch ma enk a erfolgreiche Zeit!

FA Getränke Wille

Dia Scheiba isch aussì, weit und schian
iatz bleiba miar ba da Getränke Wille stiahn.
Des isch für d'Fiurwehr nämlich gonz fein,
er deckt inser Fiurwehrrhalle mit Getränke ein.
Geba tuats bam Wille so ziemlich olls,
wos flüssig isch und passt in an Hols
A Rakete tian miar ou nou auijoga,
und für sein Spende iatz schuan donkschian sogà.

FA Wille Harald

Sottel, Hänger oder sinsch an Loschtwoga
Mein WILLE geschehe, heart ma den Harry sogà
Irgend uan Motor muaß er olli heara,
weil z'viel Ruah tat ihn sicher steara
Mit seim Haflinger, Schidoo und Quad
Isch dem Harry sicher niemols fad
Und dass seini Motora guat loufa und gschmiert bleiba
Tian miar zur Raketa nou an Böll'r onreiba.

FA HW Bau Graf

Auf dia Scheiba lossa miar nou a Raketa drau
Weil HW Bau isch inser Firma z'Grof für' n Bau
Geba tuat's do ollerhond
Vom Zement bis zum Eisa und ou an Sond.
Wer bei ins do denkt ons baua,
muaß unbedingt beim HW vorbeischaua.
Iatz lossa miar ou nou a Raketa singa,
dia sett enk huira ou a guat's Gschäft in-bringa.

Kathrein Anni

Über d' Anni gibt's nit viel zum derzähla,
außer dass sie tuat in der Bank s'Gald zähla.
Du kannsch ins aber geba an Tipp
damit aus inserm Schweizer Frankenkedit weart wieder an Hit.
Länger mehta mar die iatz aber nit ploga,
und tia dir iatz a Scheiba weit ocha schloga!

Melanie & Patrick

Mir hoffa, der Melli und im Pati tuats in Graf guat gfolla,
drum lass mar glei an Böller knolla.

Mir wissa nit wo tiats enk uma treiba, drum kenna ma nit viel schreiba.
A Scheiba hol ma aus der Gluat, dass enk immer geiht guat.

Kraxner Erwin

Erwin mir hoffen du bisch bereit,
die Feuerwehr braucht nämlich immer Leit.
Dass mar die kenna nägschts Johr in insra Reiha begriassa,
tian mar iatz die Scheiba weit ochi schiassa.

Auer Isabella

Die Isabella tian mar heuer`s erste Mal begriassa
und dafür a Scheiba ocha schiassa.
Dass mar negschts Johr oh wissa was schreiba,
tuasch im heurigen Johr, viel Blödsinn betreiba.

Bätz Franziska

Die Franziska tuat in Graf iatz wohnen
und des tian mar mit a ra Scheiba belohnen.
Über die Franziska wiss mar nit was schreiba,
mir haben kua Ahnung, wo si sich tuat uma treiba.

Fam Thurner Udo, Evelin

Zum Udo und dr Evelin miaßat's auf Graf außa schaua,
die tia a nuie Wohnanlag in Hang icha baua.
Darzua keart ou a große Tiefgarage,
des kostet sicher a morz Gage.
So werara mar kenne glei amol nuie Mieter begrießa,
d'Fuirwehr tuat auf jeda Fall a schiane Raketa aua schießal

Ruetz Johannes

Des isch vom Johannes es erste Sprichli huira,
i hoff ou dass ers heart, weil er isch douba beim Fuira,
Es gab da so viel über des sich tat berichta lossa,
aber beschränk mar ins aufs Wichtigste, sinscht miast ma fast an Roman
verfossa.

Momentan besucht er die 4. Klasse HTL in Innsbruck für Maschinenbau,
wia a so an Motor funktioniert, woas er iatz ganz genau.

In die Winterferien isch er als Schilehrer engagiert,
durch des er sich sein Taschengeld finanziert.

Mit seinen Kollegen isch er beinonder auf Schritt und Tritt,
drum haltet er sich ou beim Fuasßballspielen in Landeck fit.

Man trifft in Johann öfters ersch zu später Stunde,
ganz nach dem Motto: „Morgenstund hat Gold im Munde“

Mitm Johannes kann ma sich olli a Gaudi mocha,
drum loss mar ihm no an Böller krocha.

Fam Ruetz Markus Christine

Bei der Fam. Ruetz hama letztes Jahr schu nit gwisst was schreiba,
drum ken mars heuer nit gleich betreiben.

Beim Schifahren isch am Markus an Unfall passiert drum haben sie ihm glei` s
Knie operiert.

Ja Markus was sell mar soga, mit die Buaba um die Wett brauchsch numma fahra.
Dass dar heuer nix tuat passiera,
lass ma iatz a Raketa aua marschiera.

Moschen Anni

D'Anni haltet ihren Gorta alli guat in Schuss,
di Blümla wochsa und hoba kuan Verdruss.

Anni tuasch ins no long gsund bleiba,
mir tia dir iatz Scheiba bsunders weit außa treiba.

Moschen Norbert & Emilia

Es mochts es ins nit leicht,
als erst schiass ma für die a Rakete ins Himmelreich.

Nit das ihr nuit angestellt habts,
s` Dumme isch lei, dass es niemand dafragt.
Und so miass ma aufs negschte Jahr warta,
vielleicht hoba mir ja da, bessere Karta.

Simic Alexandra

Die Alex tian ma nach longem, heuer der erste Mal begriassen.
Ma sieht sie viel in Graf uma nounder spazieren und
ihr Mann tuat beim alten Jais die Roafa montieren.
Zum Nachwuchs miass ma oh no gratulieren,
die Madln tian ma in a paar Jahr bei der Feuerwehr rekrutieren.
Die Scheiba tian ma iatz no weit ochi joga
und hoffa die Kinder tian enk no a Weilale bloga.

Mangott Silvia & Schneider Joachim

Dia Scheiba aussu der Gluat, mir hoffa es geiht da Silvia guat.
Gsundheit, Glück unds Allerbest,
wünsch mir dir heint bei inserm Fest.

Kirschner Katharina

Die Kathi isch olli no rüstig und fit und isch im Altersheim an Hit.
Mir hoffa, dass es dir no long geiht guat,
drum hola ma a Scheiba aus der Gluat.
Weiters well mar die numma long bloga
und tian diea Scheiba wie aussu joga.

Fam Nöbl Ferdinand , Romana

Zearsch lossa mar an Böller krocha
Und glei an Holt bam Ferdl und der Romana mocha.
Auf der Kur hot d' Romana lei 3 Tog verbrocht,
nocha hoba ihre die Gollastein'r Probleme g'mocht.
Ober iatz noch d'r Operation isch olles wieder guat
Die Kur konsch nochhola, wos dir iatz sicher earsch recht guat tuat.
D'r weil fohrt d' Ferdl mit'm Mähtrack a Runde zum kontrolliera,
und d'rbei tuat er ober ou glei a Beregnungsventil im Boda ruiniera.
Daß dös numma kann passiera,
setsch dia Ventile mit roti oder gelbi Pfoschta markiera.

Nöbl Hannes

A Raketa iatz in Himmel marschiert,
und an Böller ou glei laut explodiert.
Im Hannes und d'r Petra tian m'r zum Nachwuchs ganz fest gratuliera,
an Bua mehr tuat iatz durch Vorarlberg marschiera.
Lei beim Nama war am Anfang nit alles ganz klar,
Lannis oder Iannis was isch denn iatz wahr?
A l oder a i schaut ou ganz ähnlich aus,
da weart glei amal aus'm Iannis an Lannis draus.
Miar wünsch enk mit'm Iannis a schiane Zeit,
und hoffa dass m'r enk weiterhin öfters secha, Vorarlberg isch ja nit weit.

Fam Schlatter Engelbert Stefanie

Iatz bleiba miar bei der Stefanie und dem Engl stiahn
Und lossa ou glei a Raketa weit auchi giahn.
In der Pension hat d'r Eng'l ewig a Gneat,
er muaß olli schaua, wos in seim Terminplaner steaht.
Miar hoba g'heart deas Buach isch ziemlich voll,
do isch jede Minute ausg'nutzt, dös isch ja toll.
Do drin stiahn sicher ou viele Motorradlarunda,
um dabei holb Europa zu erkunda.
Loss di von dena Termine die Zeit nit vermiesen,
und tua mit d'r Stefanie die Pension geniessen.

Fam Schlatter Harald Melli

Letscht's Jahr hat's d'r Harald und die Melli vor Gott offiziell g'macht,
bei d'r Hochzeit hat die Sunna ou glei vom Himmel g'loacht.
So wia d'r Harald und die Melli halt sein und miar sie kenna,
tian sie für deas Fest aber nit weit renna.
Trauung im Kappale in Graf, deas war wunderschian,
und d'rnach braucht ma lei a paar Schritt ins Festzelt giahn.
Bei die Geschenke hat's nacha so manche Überraschung geba,
iatz gibt's am Baurahof halt mehr Leba.
So an Esel als Geschenk sorgt am Anfang für Verwunderung,
wenn ma aber woaß dass der trächtig isch muaß man natürlich kalta und er sorgt
seither für Bewunderung.
A Raketa lass m'r iatz no in Himmel marschiera,
damit mecht enk d'Fuierwehr nomal ganz herzlich gratuliera.

Perktold Michael

D'r Michael isch in Graf nit viel am Rieß,
deas wissa miar und sall isch gwieß.
So a Jahr vergeht ganz flott,
wenn ma isch in seim Alltagstrott.
Huiru mechta m'r die öfters erblicka,
nach kenna m'r neagtsch's Jahr wieder a längers Sprichli stricka.

Fam Kobler Gerald & Gabriele

D'r Gerald tuat sein neu erworbenen Stadel glei abtraga, sall war decht zum lacha,
weil mit dem alta Holz kann ma no an Haufa Geld macha.
In Gerald hat's bei d'r Arbeit aber achi g'schmissa,
dabei hat er sich saggrisch verrisa.
In Rest vom Stadel haba nacha deine Kollega abtraga,
dafür tian m'r an Böller durch's Feuer joga.

Kobler Maria

Mit dera Scheiba bleiba m'r bei d'r Maria stiahn,
ma sieht die numma so oft durch Graf giahn.
Für die G'sundheit s'aller Beschte,
dass no feiersch viele Geburtstagsfeste.
Alles Guate wünsch m'r dir ou fürs nächste Jahr,
und dia Scheiba fliagt iatz weit deas isch ja klar.

Traxl Richard

Dia Scheiba tian mar weit ausitreiba,
g'sund set Richard nou long bleiba.
Do douba gibt's gnuu zum erleiba,
drum dirft's bei diar kua Longweile geiba.
Dia sett deas neue Jahr viel Gesundheit bringa,
drum lass mar a Scheiba den Higl ocha springa.

Plattner Kathrin

Ou deas Johr hots die Kathrin ins Auslond verschloga
Weil ma muas ja nit immer nur dahuam ummajoga.
A poor Kilometer mehr solltens desmol sein zum fliaga,
wenn ma schua in Fliager steigt solls sichs ja rentiera.
New York wor deas Ziel ihrer Reise
Nach 10 Tag gings retour weil sie muas ja koordiera dass die Fahrschulautos
ziehen ihre Kreise.
Für deas Johr wünscht die Feuerwehr dir a erfolgreiche und spannende Zeit!
und schloga dia Scheiba iaz ocha richtig weit.

Plattner Christian

Da Christian sigt ma am Fuassboll Platz in Pians olli die Tor Linie auf und ab
marschiera,
aber ou beim Orbeita tuat er sich sehr onagieren!!
Er war schua bei der Planung von der Arlberg Tunnel Sanierung vorne mit dabei,
iatz erledigt er ou vor Ort so aller lei...
Es sei die Arbeiter zum unterstützten beim renoviera,
und ou die Wartezeiten zum perfektioniera!
Miar hoffa miar kenna ou bei dr Fuierwehr no weiter auf die baua,
dei Scheiba wear mar no weit oa hau!!!

Fam Plattner Wolfgang Angelika

Di Angelika isch öfters mit ihra Freundinna am Ries,
und dass es do olli eppas zum Locha und zum Derzähla gibt, sall isch gwieß.
Ma geahrt nit uafoch Pizza-Essa auf Londegg wia amea
dia Weiberleit gönna sich an Abend auf'm Fondueschiff am Bodensea.
Des Käsefondue kimmt fuierhoaß auf'n Tisch,
im a schiana Pfandla, des gleiamol grissa isch.
Schnell tauscht di Kellnerin des Pfandli aus,
und weiter geahrt's mit dem guata Schmaus.
Ober es hot enk nit recht wella,
tuat decht des zwoate Pfandli ou glei derschnella.

Dr. Wolfgang hot a nuis Hobby gfunda,
jede freie Minuta isch er mit'm Christian in dr Garage verschwunda.
Den Oldtimer auseinonderbaua und wieder zamaflicka,
mir hoffa, des Vorhoba tuat enk ou glicka.

Menghin Manuela

Mir wissa nit was trieba hasch im letschta Jahr,
wia sella mir was über die schreiba - eh klar.
Drum stell amal was on,
dass ma nächst Jahr ou was längers schreiba kann.

Pfeifer Anna

Wia mar alle schu wissa isch die Anna a sportliche Frau,
an gsunda Körper isch wichtig, da schaut ma schua drau.
Ua Konzept verspricht Gesundheit, und no darzua weart ma schian,
Power Plate nennt sich deas, muas ma do o no selber was tian?
Genau wissa tian mar deas nit drum ischas klar,
beim Vitadom isch die Anna als Ansprechperson da.
A schians Johr wünscht Fuierwehr und tua guat schaua,
dass as dar nit die Leit vum Plate tuat ocha haua.

Fam Senn Arnold Ursula

Mit deara Scheiba tian mar bam Arnold und d' Ursula bleiba
Und ou nou an Böller on'reiba.
D'Ursula tuat mit viel Fleiß beim Baguette olles ongaschiera
Und d'r Arnold der Lebenshilfe sein Freizeit spendiera.
Do kann ma nu sogä - (chapeau chapeui) Hut ab
Und lossa dia Scheiba fliegt weit aussa und nit bergab!

Fam Senn Werner Brigitte

Wenn ma unter dr Wocha muaß in dr Groaßstodt umahetza,
tuat ma s'Leba am Lond bsunders schätza.
Und hot ma dahuam a bissli Plotz um's Haus,
nocha nutzt ma des decht ou guat aus.
So an Salat aus'm eigana Gorta schmeckt uafoch guat,
vor ollem, wenn ma dia Pflanzla salber setza tuat.
So hot dr Werner s'letscht Friahtjohr sein Gorta umgstocha,
und dia Eard ou schia eba grocha.
Und weil er isch gwesa so in Schwung,
hot er glei gmacht a 100 %ige Gartenerweiterung.
Ins isch kema zu da Ohra,
aus 1 m2 sei totsächlich zwoa draus gwoara.
Salat, Kohlrabi und Tomatenpflonza bringt er huam vor Gärtneri,
Radieschen und Karotten miaßa ou no sei.
Während dr Wocha tia dia Pflanzla eppa um an Werner verdriaßa,
do kannt decht d' Anna drauf schaua, jäta und fleißig giaßa.
Ober di Anna mocht ihrem Bua glei klor,
des pack i numma, mit meina guat 90ig Johr!
Und weil des Gartli natürlich muaß 100% bio sei,
tunkt's glei s'Unkraut und di Schnegga bsunders fei.
Bevor dr Werner sein Salat ernta kann,
picka schua überoll dia Viecher dron.
Und wos wor mit dem Karotten-Saatband verkehrt,
nit uana isch kema aus dr Eard!
Anna's Spruch wor, wenn sie kema isch aus'm Haus:
„Werner, dein Gärtchen schaut verwildert aus!“
Aber so schnell gibt dr Werner nit auf, des war decht glocht,
s'nägscht Johr weart a Hochbeet gmocht.
Nocha kenna dia Schnegga schaua,
wia si kema über dia Wand drübert aua.
Werner, loss di nu nit verdriaßa,
d'Fuierwehr tuat dir zu dem Sprichla no a Raketa in Himmel schiaßa.

Senn Anna

Dia Scheiba tia mar weit außa schiaßa
und inser älteste Gurnauerin begrißa.
Di Anna isch a ordaliga Frau
sie passt auf ihra Socha olli guat au.
Decht hot si s'letscht Johr a goldene Ketta numma gfunda,
verzweifelt suacht si olls aus Stunda um Stunda.
Vorzua hot si dia Suacherei aufgeba,
den Schmuck find i numma in meim Leba.
D'Anna hot's geara worm, wia olle Weiberleit,
guat, dass es do so an Fuaßwärmer geit.
D'Anna spürt eppas mit ihra Fiaß do drin, loss ins wetta,
do kimmt decht glott fircha ihr vermisste Ketta.

Senn Verena

D' Verna weart deas Jahr ihr Studium abschließe,
und drum tia mar iaz a Scheiba in Bichl ocha schiaße.
Mit Sport und Französisch Diplom isch sie bestens gerüstet,
und hat sich iaz bald fix in Innsbruck eingenistet.
Auch nebem Studium hat sie schua fest Geld verdiant,
da hot der Sponsor Eltern gleich ausgedient.
Sie hat Bauch Beine Po Trainer oder Kinderturnen in Volksschulen gmocht,
des tuat Sie gera und des kann sie ou, des war ja glocht.
Iaz wünsch mir dir auf der Zielgerade no das allerbest,
und vorallem dann zur Sponson a super Fest.

Senn Michaela

D'Senn Michi hot sich deas Johr wella gonz nui orientiera,
drum tuat sie iatz numma die Kronka in Zams, sondern dia in Natters kuriera.
Dia Luft do doba isch nit nu fir die Lngakronka guat,
sondern ou dr Michi fescht halfa tuat.

Vollath Hubert

Ja Hubert iatz isch decht glatt schua wieder a Jahr umma,
was sell mar dir lei huiru für a Sprichla aui brumma?
Am beschta du kimmsch wieder amal zu ins,
na giamma mitnander ins Mauli auf Grins!
Da trink mar a Schapsli auf dei Gsundheit,
und jaga iatz a Scheiba für die aussiganz weit!
A schiane Raketa gib'ts nou ouba drau,
und an Gruaß gibts von der Fuierwehr Graf und Gurnau!

Walter Berta

Der Berta tian miar iatz amal a morz Scheiba ausi schлага,
und hoffa es tuat zu deiner Gsundheit guat beitraga!
Miar hoffa miar tian dir damit ou a Freid macha,
und lassa dir an lauta Böller kracha!

Fam Walter Markus Sybille

An haufa Arbeit, und deas es gonze Johr,
da denkt ma sich holt, iats haua miar o amol a.
Gesagt getan, der Urlaub vu dar Sibylle und vum Markus isch gebucht,
iatz weard amol dia spanische Insel namens Mallorca besucht.
Egal ob Ballermann oder hobats vielleicht sogar Kultururlaub gmocht,
in Spanien hosch a Garantie, dass die Sunna vum Himmel ocha locht.
Ganz andersch ischas bei ins im Winter, deas isch richtig gemein,
dia Parkplätz vorm Haus allzu oft voller Schnea sein.
Dar Markus isch nocha mit dar Fräsa am Weag und tuat da Schnea weck schiaba,
damit die Kunda parka kenna und pünktlich ihre nuia Locka kriaga.
Dar Klimawandel isch da sicher hilfsbereit,
und die Parkplätz sein in Zukunft sicher no öfter vu salber vum Schnea befreit.

Schütz Manuel & Petrovic Regina

Dr Manu und di Gini haba sich huira epas nuies traut,
und haba iatz ou a bissla a Farb unter der Haut!
Di Jana weard da sicher damit a Freid haba,
weil der Papa und die Mama sie alli tuat mit ummadum tragal!
An Buddah haba sie iatz im Garta ou nou umma stian,
wer woaß,vielleicht weard deas mit di Skulptura ou nou mia!
Dr Manu und seine Hobby sein ja guat bekannt,
drum steck mar für enk nou a Scheiba in Brand!

Fam Schütz Erwin Christine

Deas Leba als Oma und Opa isch ganz schian,
da kann ma mit seim Enkel an Haufa schiane Sacha tian.
Es tiat's deas sicher guat macha,
und da gibt's olli eppas zum Lacha.
An Böller tian m'r no spendiera,
dass deas weiterhin tuat guat funktioniera.

Fam Haag Sabine u. Peter

Beim Peter und der Sabine kann ma nit viel entdecka,
weil dia tian sich alli hinter dena groaßa Thuja verstecka!
Derweil die Sabine arbeita geat,
der Peter Stuan auf Stuan legt bis dass dia Mauer von selber steat!
Und dass dei Werk ou weiter so schian bleibt,
iatz nou a Raketa ganz weit aui steigt!

Pfisterer Peter

Iatz well mar am Piet mol danke sogä,
wenn mar bei dr ff was braucha miass mar die lei frogä.
Ou bei dr Jahreshaupt Versammlung worsch mit dr bei,
mit dr brauna Uniform - onzoucha gonz fei.
Dia Jagga past olli no wia vor 15 Johr,
hosch die guat kolta des isch woll wohr.
Aber mit dena gfundana 20 Schilling in dr Jagga Tascha kenn mar beweisea,
dass bei insrar Fuierwehr kearsch hollt decht schua zu die ältara Eisa.
Miar weara ou schua dass griagsch dein eigana ff Huat,
iatz houl mar no a schiana Scheiba aus dr Gluat!!

Pfisterer Dieter Christine

Der Dieter geat mit seiner Frau fleißig spaziera,
sodass dia Hüfte tuat ganz lang wieder funktioniera!
A Scheiba fliagt aussa und an Böller obadrau,
dass es wieder guat geat, dir und deiner Frau!

Wilhelm Karin

Die Karin hat sich denkt, iatz weards ober Zeit,
dass amol eppas nuis vorm meim Haus stiahn bleibt.
Nu was für a Marke sell der nuie Korra hoba?
Und was für a Forb? Froga über Froga.
Zum Schluss hat sich die Karin für an Nissan entschieda,
miar hoffa der Woga tuat guat, und gibt long an Frieda.

Fam Kurz Julia Alexander

Dr Julia und am Alex wear mar iatz a Rakeita spendiara,
miar wella enk ou zum Nachwuchs gratuliera.
Mit da kluana konn ma hollt nit oli dahuam uma sitza,
drum sigt ma die Julia iatz olli mit´m Bobawoga in dr Soga uma flitza.
Die Zeit mit da kluana isch sichr gonz schian,
dr für gibt´s ou an haufa zum tia.
Miar wünsch a enk no s´best im weitara Familien Leiba,
enkr Scheiba wear mar no weit ausi heiba.

Fam Carpentari Reinhard Marlies

A Raketa schicka mar glei am Anfang aucha und tian gratuliera,
und lossa glei drauf dia Scheiba ausa marschiera.
Obwohl eas zwoa seids no fit, jung und voller Elan,
seids iatz schua Uroma und Uropa, und deas zum earschta Mal.
Im Umgang mit Enkel seids eas ja schua routiniert,
iatz weard holt no a Urenkali in den Tagesablauf integriert.
Trotzdem braucht dar Reinhard no Zeit im Wald,
dar Loas muaß gmocht weara, sinscht ischas im Winter kalt.

Carpentari Lukas

Jâ zum Lukas gibt's heuer nit so viel zum säga,
weil man nia sieht, då er sich tuat in Innsbruck mit der Schual umaplåga.
Aber du hâsch es ja bald gschafft,
die Ausbildung in der HTL zum Ingenieur der Wirtschaft.
Nâcha stian dir alle Türen offen,
dass du die für des entscheidesch was dir gfallt, bleibt nur zu hoffen.
Im Summer trifft ma in Luggi öfters wenn er Radlfährt,
mit dem er sich fit haltet und sich es Zfuasßgian darspärt.
Mir hoffa du schaugsch weiterhin bei insrer Löschgrupp vorbei,
weil mir sein froah, dass mar hoba a so an feina Karli wie die dabei.

Carpentari Reinhard

Dar Reinhard, so scheints hat an Haufa Zeit,
drum pilgert er nach Spanien, aber o im eigena Lond kimmt er umma recht weit.
Mitm Radli durch Iberien, deas isch sicher recht schian,
mit dar richtiga Begleitung sowieso, deas kenna mar guat verstiahn.
Und sinscht ziacht dar Reinhard geara sei Lederhosa an,
und uan Berg nochm ondara kimmt zum bezwinga dran.
So sportlich, Reinhard deas finda mar guat,
iatz fahlt bei dar Ausrüstung lei mia dar Tiroler Huat.

Fam Carpentari Jürgen Sonja

D'r Jürgen und die Sonja tian im Urlaub iatz weiter weck fahra,
die Kinder sein schua größer und da braucht ma bei die Kilometer numma spara.
Kroatien haba sie als Reiseziel entdeckt,
da isch a Haus glei g'mietet an am schianen Fleck.
Mit enkre Freind macht's enk da a schiane Zeit,
da trifft ma sinsch ou viele nette Leit.
A Bootsfahrt keart da natürlich dazu,
weil deart kann ma genießa die herrliche Ruah.

Sailer Gerhard & Brigitte

Die Brigitte und dar Gerhard, wos sell ma da sogä,
vielleicht dass sie geara nach Italien fohra.
Deas Land und die Leute sein uanfach einmalig und det ischas richtig schian,
drum kenna mar enkare Ausflüg nach Italien richtig guat verstiahn.
Mitm Motorrad isch iatz endgültig Schluss,
Sicherheit geht vor, und deas hoffentlich ohne Verdruss.
A schians Johr 2015 und viele schöne Urlaubsstunda,
und miar hoba für enk no a Scheiba in dar Gluat dinna gfunda.

Pekar Manfred und Sabine

Das Verbrechen schloft nia, kannt ma aso sogä,
aber eas zwoa bekämpfts as, und deas ohne Kloga.
Die Sabine hat sich eppa denkt Imst kenn iatz schua gonz genau,
iatz gehä i noch Ischgl, da isch was los und sicher öfter amol an Radau.
Dia Tourista holta die im Winter sicher ständig auf Trab,
drum haua mar iatz glei a Scheiba durchab.

Fam Pfeifer Karl Brigitte

Die Brigitte und dar Karl hoba, sou scheints zumindest, an genau Tagesablauf,
jeden Tog geht pünktlich um viertel noch 7 die Haustür auf.
A Runde mit die Hund die Brigitte mocht,
egal obs worm isch oders in dar Nocht aun Haufa Schnea hot gmocht.
Uans interessiert ins ungemein,
tunkts die Karl vor dar Tür o recht fein?
Aso a Zigaretta schmeckt im Freia uanfach intensiv und guat,
und dar Rach da Wänd in dar Wohnung so o nuit tuat.
Iatz schiaßa mar a Scheiba,
vielleicht darf dar Karl mit dar Zigaretta ja amol im Haus drin bleiba.

Öttl Wolfgang Christina

Christa und Wolfgang iatz seits eas dran,
obwohl ma nit schlimms derzähla kann!
S' Jahr isch nou lang, miar passa guat auf,
eas seits ou für nägschtes Jahr auf dera Lischta drauf!
Drum saga miar enk seits auf der Huat,
es gibt iatz nou a Raketa und a Scheiba frisch aus der Gluat!

Fam Würthenberger Claudia u. Armin

Die Claudia und dar Armin sein iatz auf dar Lischta drauf,
da darzeala mar glei, vu enkarm wöchentlichen Einkauf.
A Bauernkista kimmt regelmäßig mit Produkten aus dar Region guat und frisch,
so keama lauter gsunda gerichta bei enk aufn Tisch.
Ober deas reicht no nit, da setza dia zwoa no uan drau,
dar Armin war Leiter vum Hochbeete Bau.
Frische Kräuter sein mit nix zum verlgeicha,
so kennats dia o vu dar Einkaufslischte streicha.
Und während die Claudia mit dar Elsa spaziera geacht,
dar Armin schua in seine Loafschuach drin steacht.
Viel Gesundheit und Glück im nuia Johr,
drum haua mar iatz a Scheiba durcho.

Fam Landerer Franz Elfriede

Da Franz ziachts oft an die frische Luft,
da lockt die Bergwelt und der Pflanzenduft.
A so a große Hecke muas ma schneida und pfliega,
und drum tuat dar Franz desöfteren Hand anlega.
Viel Zeit in dar Natur, deas isch ideal,
ob auf die Ski oder beim Wandern, deas isch im Franz egal.
Viel Schwung und Elan o weiterhin,
für enk isch o a Scheiba im Fuier drin.

Fam Marth Edmund Helene

D ,Helene sieht ma oft ins Paznaun kutschiera
Und tuat sie mit ihre Enkelkinder arrangiera.
Sportlich tuat si noch auf der Schipista schwinga,
und dem Enkl manchen Schwung bebringa.
Daß dir dös ou long viel Gaudi mocht,
iatz für d'Leni und den Edi nou an Böller krocht.

Fam Schultes Hubert Brigitte

Der Hubert isch alli nou an fröhlicher Musikant,
und gfreit sich wenn d` Leit tanza miteinander!
Z` Landegg im Altersheim da spielt er manchmal auf,
weil da sein die Leit speziell guat drauf!
A morz Scheiba griegt huira die Frau,
weil bei dera geats dir guat, dia passt alli auf die au!

Vogt Herta

Insere Heartha fangt iatz an fescht zum renoviera,
und an hufa Galt und fleiß ins Haus zum investiera!
Letschtes Jahr hat`s geaba an nuia Balkon,
und vielleicht isch huira die Fassade amal dran!?
Beim Bad da muass sich die Herta gschleina ganz gschwind,
sinsch fliega ihr die Fließe zu Schluss auf`n Grind!
Drum Herta deas weard di iatz nuit mia nutza,
entweder nuie Fließe oder gar nui verputza!
Iatz schick mar diar nou a schiane Scheiba,
damit ins tuasch nou lang fit bleiba!

Vogt Irene

Ma sigt die Irene olla bot mol vom Bus aus steiga,
aber wohea sa kimmt tuat sa olli verschweiga.
Mit`m Auto sigt ma die jo ou numma uma fohra,
tuasch eba auf wos greaßer`s spora?!
Iatz loss mar dei Scheiba no weit oa fliaga,
dass mar negst mol mia zum schreiba kriaga...

Larcher Mathias u. Simone

Bus fahra tuat d'r Mathias olli no gera,
da tuat ma ou koane Kloga hera.
Es isch egal ob d'r Mathias tuat mit am groða oder kluana Bus fahra,
er bringt die Leit olli sicher ans Ziel und deas ohne groða Zoara.
Wenn es iatz nacha tiats s'zwoate Kind kriaga wearsch so viel Geduld ou in
Zukunft braucha,
drum lassa m'r no a Raketa in Himmel aucha.

Fam Larcher Peter Margret

In Urlaub fohrt er mit seim Koschtawoga über'n Fernpass
dös mocht ihm sicher an heida Spass.

S'Radli hot dr Peter immer im Auto mit,
und draht nocha seinen Runda, weil da bleibsch fit.

Ou wega a paar Euro tuat er si nit long umachploga,
und geat in der Therme boda.

Uns beschte in der Therme isch - zur richtige Zeit,
sein von Bayern ou an Haufa Weiberleit.

Schütz Florian

Glei am Anfang vu deam Sprichli tuats an lauta Knall,
an Böller zur nuia Wohnung, dean sell ma heara überall.

In Lans isch dei nuie Heimat und deas wunderschian,
bei so am Ausblick kann die sicher jeder verstiahn.

Lei dar Arbeitsweg isch iatz natürlich a bislli weit,
da braucht ma halt unafach a bsili mia Zeit.

Damit du nit alli mitm Bus fohra muasch,
iatz so ofts Wetter zua lot mit deem nuia Roller fohra tuasch.

Da hosch fleißig da Führerschein absolviert,
und wieder die gonze Verkehrsregla studiert.

Ganz viele schiane Stunda winscha mar dir und dar Babsi in enkarm nuia Heim,
a Scheiba ganz weit dass asas hobats recht fein.

Schrott Werner Gudrun

D'r Bruder vor Sissy tuat im Internet auf der Fuirwehrseite spioniera
Und jed's Johr ou olli eppas spendiera.

Drum tian mar geara a Scheiba schloga,
und saggrisch donkschian sogä.

Und wia si deas bei ins ou g'heart

Ou nou a Raketa Richtung Himmel aui>bleart.

Fam Schütz Egon Sissi

Der Egon wäre zwar schua lang in der Pension,
aber auf der LAZA Reise gibt er an den Ton!
Die Sissi reißt mit als Reisebegleiter,
auf der MSC Musica und nou viel weiter!
Bis Venedig mitm Bus, und nacha glei auf` s Schiff,
hoffentlich bleibats weit weg vu dena italienischa Riff!
Und weil der Egon deas alli soa guat macht,
hat er wieder an Haufa Leit dazua bracht!
Auf deas auchi nou an Böller laut kracht,
und a Scheiba weit ausi fliaht in die Nacht!

Huber Susanne und Peter

Auf Grins hoba sie sich sicher schua guat dron gwöhnt
Weil do wear si ou richtig von der Sunna verwöhnt.
Miar wear es miaßa globa,
d' Susi bleibt iatz z' Grins doba.
Trotzdem tian miar ou huira a Scheiba schloga
Und enk ou a bissli beim Kassiera ploga.

Fam Huber Robert Gabi

Sein oltes Auto hot den Hansrobert numma g'freat,
drum hot er si s'letsch Johr a nuis zugleat.
Deas Auto sieht ma ou öfter z'Londegg beim Friedhof stiahn,
weil do muass er am Grabla Bluma giaßa giahn.
Ober wenns fescht regnet, muasch dia Orbeit sicher nit mocha
Mit Wosserkübl und Schirm am Friedhof, sall war decht zum locha .
Mit Regaschirm Bluama giassa, deas hoba miar nou nia g'heart
Drum lossa mar ou nou an Raketa vor Eard.

Fam Rainalter Eckehardt Hella

Iatz isch endlich der Eki wieder dran,
weil ma von dir alli was hetzigs derzähla kann!
Dia Rolllada sein schian und ou ganz praktisch,
sall halt lei mit der Beschreibung dafür am Kuchatisch!
Deas war ja alles guat und recht,
dr Eki fragt aber decht liaber die Hella wenn er sie zua tian mecht!
Die Hella kennt sich halt decht besser aus,
mit die elektrischa Sacha im Haus!
Drum Eki lass nit nach, und tua deas Zuig besser studiera,
sinsch fangsch nou an mit der Fernbedienung zum telefoniera!
Miar hoffa eas kimmt nit soweit,
und für deas a Raketa für enk aui steigt!

Scheiber Michael

Der Michael hat heuer a ereignungsreiche Zeit,
muas er sich decht vorbereiten auf die Matura Abschlussarbeit.
Des ganze lernen soll sich ja auch rentieren,
wilsch ja auch die Prüfungen positiv absolvieren.
Bei dar Matura Reise lass es ordentlich krachen,
so haben mir snächste jahr a was zum lachen.
Für die Prüfungen wünschen mir dir no gutes gelinga,
auf des werä mar no a Scheiba weit oa schwinga!!

Scheiber Markus

Dr Markus tuat sich iazt nimma beim Grissemann umcha ploga
in hot´ s zur ÖBB verschloga
Als Verschieber in Bludenz isch er top motiviert,
da hängt er die Garnitura und Waggon sicher und schnell ein garantiert.
Dass ou weiter alle Ausbildunga guat tuasch mocha
lassa mar für die iaz no an Böller krocha!

Scheiber Peter

Dr Peter arbeitet Tag und Nacht
des war decht glacht
Ob beim Fußball-Skifohra oder Biken,
der Peter isch immer dabei und tuats fest auf Facebook liken.
Als Vizekommandant bei der Löschgruppe isch er stets bereit
Des macht ins Kameraden a richtige Freid.
Huirä wearsch bei Fuirwerhalle beim Umbau kenna morz buggla.
Miar werä dar iatz a gscheide Scheiba über den Bichl ocha-schmuggla.

Scheiber Robert

Dr Robi mag mit seinem Auto gar it geara fahra,
da tuat er liaber Kilometer und Sprit spara!
Aber wenn er amal fahrt na lat er den Audi guat renna,
ou wenn danach dia Fahrertür tuat klemma!
Aber beim Robi tuats it lei mitm Auto gscheite Schnell,
ou mit Mopeds macht er an morz Krawall!
Dia Schandi tata da ou gera amol mitreada,
und beim Robi an leisere Auspuff derleaba!
Ganz soa leicht isch es halt ou it,
ma hat halt nit alli grad an "Originala" mit!
Wenn ma vom Robi a Hilf braucht isch er alli glei zur Stell,
nu voran gian muaß es nacha halt furchbar schnell!
Mit Harry's Gaul vom Gratli achi loaft es halt it alli glei glatt,
vor allem wenn ma schua s'nägschte Festl in Anton doaba im Sinn hat!
Miar hoffa du hasch nou alles dertoan,
und schloga dir a Scheiba über d'Neader und it vom Ploun!

Fam Scheiber Helmut Martha

Die Martha hot sich trotz schwacher Konjunktur wieder am Arbeitsmarkt integriert,
und deswegen jetzt immer brav zum Rinner außa marschieret.
Dass die Martha ihren Job immer guat mocht wissa mar genau,
sie isch ja a tüchtige und vielbemühte Frau.
Dr Jingst vor Martha undm Helli tuat grad Matura mocha,
und hoffentlich hot er im Summer dann Grund zum locha.
Dass enk a erfolgreichs Johr tuat erworta.
Schloga mar iaz a Scheiba fast bis in enkern Gorta.

Grießer Eva Maria

Die Eva hot sich um an nuia Job um gschaut,
lei des Angebot hot ihra nit wirklich taugt.
Drum hosch die iatz als Musik- Therapeutin selbstständig gmocht,
bei deina Sitzunga weart sich viel glocht.
Auf dass diar deina Sitzunga guat gelinga,
loss mar dei Scheiba weit oa singa.

Grießer Elisabeth

Die Elisabeth hot an beruflichen Standortwechsel gmocht,
der hot sie iatz vo Imst nach Innsbruck ocha brocht.
Ou privat muass es diar iatz in Mötzt guat tauga,
wia mar heara tuasch die mit´m Freind schua um a Kucha um schauga.
Miar hoffa du losch die bei ins decht no blicka,
dei Scheiba wear mar iatz weit oa schicka.

Fam Grießer Hubert Rosmarie

Di Rosi wondert zum Venet Gipfelhaus, weil dia kann ma pochta,
zum doba Feira und ou übernochtta.
Auf uamol least sich vo da Schuach di Sohla,
kurz muaß si sich von dem Schreck erhola.
Weitergiah lei mit da Socka,
do muaß si sich amol niederhocka.
Ober di Rosi bringt so schnell nit draus,
irgendwia drleicht si sich Reserveschuach aus;
und kralt damit auf den Kraiberg aua,
weil wega sowos losst si sich nit den Spaß versaua.
Schnell weart ou di Moni mobilisiert,
dia ihra a poor Schuach zur Gondel fahrt.
So hot si zum Huamgiah a Paarli Gonza,
oder hosch si eppa braucht im Gipfelhaus zum Tonza?
Dr. Hubert hot a nuie Maschin im Deitscha daußa gfunda,
mir hoffa, du hosch a mords Freid und drahsch damit viele unfollfreie Runda.

Schmid Thomas

Di Scheiba set weit außi marschira
dr Tommy tuat in Innsbruck fleißi studiera
Trotz dem Stress beim studiera hot er zum halfa no Zeit
und fohrt mit dem Traktor, monchmol ganz schian weit
So isch im Friaajoahr dr Thomas mit m Traktor auf Kappl unterwegs gwesa
da isch ihm beim fohra eppas gschecha
an Kurza bei dr Batterie und dr Traktor hot zbredda ongfonga
dadurch isch es numma zum weiterfohra gonga
schnell ruuft dr Thomas bei dr Freindin on
und frogt ob sie ihm nit a Wasser bringa kann
D´ Jana hot dann a kloans Kannale mit Wasser voll gmocht
und im Thomas zum löscha brocht
Olles in ollem isch nit viel passiert
nur a poor Hydraulikkabel wara ruiniert.
Dass dir deas 2015 nimma passiert
die Scheiba weit ochi marschier!

Schmid Daniel

Dr Daniel isch iatz fertig mit´m studiera,
ou miar wella zum bestandenen "Master" gratuliera.
Kaum fertig hot er ou glei a poor Bewerbungen gschriebe,
und isch als erstes bei dr Firma "Hilti" hänga blieba.
Aber olli auf Wien oi fohra hot ihm nit taugt,
drum hot er sich glei mol um was nuis um geschaut.
Ma sigt ihn iatz im XXX-Lutz in Feldkirch uma loufa,
wo er tuat als Junior-Manager da Leit es Zuig verkoufa.
Nu ohne eigenes Auto nach Feldkirch bendeln isch nit fei,
drum hot er sich kouft sein eigana Audi A3.
Miar hoffa du hosch dr do was gscheids kouft,
und huiru bei dr Arbeit no alles guat louft!!

Fam Schmid Harald Angelika

Iatz lassa m'r glei a Raketa in Himmel marschiera,
und tian d'r Angelika zum 50er nachträglich gratuliera,
Beim Lex Mex hasch g'schmissa dei Geburtsfest,
deas war sicherlich unvergesslich für alle Gäst.
D'r Harald steigt als Trainer die Karriereleiter stetig nach oba,
die Spieler von d'r Kampfmannschaft in Pians tian sei Training saggrisch loba.
Da muaß ma natürlich ou selber mitmacha,
bei dena viela Trainigssacha.
D'r Jüngste isch d'r Harald halt ou numma, sall isch richtig,
drum isch Erholung d'r nach b'sunders wichtig.
In enkerem neuen Zirbenschlafzimmer kannsch sicher guat relexa,
und muasch nit übern Trainingsplatz fetza.

Fam Schmid Helmut Linde

D'r Hemut und sein Londwirtschaft isch a guat's Gsponn,
er schofft sich deas uane oder ondere Geräte nui on.
Beim Mähwerk isch es noch passiert,
do hot er si beim Onhänga da Kopf ramponiert.
Sofort ins Spitol zum die Schromma nahja giahn,
ober glei amol drau sieht ma ihn schua wieder bei seim Tarktor stiahn.
An weiße Verbond, wie an Turban hot er au,
egal, Hauptsoch isch, er hockt wieder am Traktor drau.
Und dein Grummat hosch nocha kenna zum trockna auf D'Sunnseita
transportiera,
für soviel Einsotz lassa miar nou gera a Raketa marschiera.

Juen Anna-Lena

Ja die Lena hat sich dacht an Elefant reiten des isch ja glacht,
so hat sie kurzer hand mit'm Schatz, a reise nach Thailand gmocht.
Sogar kuschel mit ma Tieger war no drin,
des war sicher lässig, i glab i spinn.
Mir hoffa du wersch so weiter mocha,
Und lassen iatz no an Böller für die krocha!!

Juen Johannes

Beim Grissemann in Zams arbeita hat dr Johannes numma mega
Dafür hats in Kappl beim Hölroah an Chefkoch abgeba.
Er hat des Kommando in dera Kucha übernohma,
und schaut trauf dass die Kucha hat an guata Noma.
D'Fuirwehr wünsch dir viel Erfolg und iatz zum Schluss,
gibt's a schiane Scheiba mit ama morz Schuss.

Juen Julia

Die Julia fühlt sich so richtig wohl in Serfaus,
dia Arbeit beim Sport Patscheider geiht ihr im Winter sicher nit aus.
In ihrem Terminkalender findet die Julia aber immer no Zeit,
um bei der Musi in Pians die Schnapsla bringa unter die Leit.
Das dir nie fad wird, haba mar schua lang mitkriagt,
auf des no a Raketa in a Himml fliagt!

Fam Juen Hubert Erika

Dr Hubert und die Erika sei olli fleißig bei drOrbeiterei,
und wenn ma so brav isch darf a bissli Spass ou sei.
Weil miar hoba vo enk zwoa so keart,
isch jeder Anlass a Festli mit da Kollega weart.
Jo s' Leiba muass ma feira so keart des gmocht,
bei enkara Feira weart ou sichr viel glocht.
Iatz loss mar no an Böller laut für enk Knolla,
miar hoffa dass es ou weiterhin die Festla feiert' s wia sa folla.

Fam Juen Josef Paula

Die Paula sigt ma olli no fleißig in Stoll oi gia,
weil über' n Winter hobat' s jo wieder poor Viech dunta stia.
Aber Paula mit dem ältr olli no dia schwar arbeit mocha,
do gab' s für die decht ou feinere Socha..
Nu da Seppl sigt ma olli vo uam Doc zum ondara springa,
wo er griagt an haufa Tabletta dia ihn wieder bauf vorder-man bringa.
Miar hoffa du losch die davon nit unter kriaga,
vieleicht kennats jo noumol mit nondr in Urlaub fliaga.
Zum Schluss well mar no donk schia sog, a
dass mar ou huira wieder darfa insra Scheiba über enkr Wießa oa schloga....

Siegele Angelika & Wiedenegger Christian

Deas Johr wor fü enk nit di oanfochste Zeit,
und enker Schicksal tuat ins alle Leid.
Aber so wias ausschaut ziacht die Angelika und dr Christian in Gurnau ein,
Dann seits wieder mehr im Haus dann hobtsas sicher fein.
Mit dera Raekta tia mar an Waldemar verabschieda und andere begriaba
Dassats enk da wohlfühlts mir iaz ou no an Böller schießa.

Siegele Ruth

Mit dera Scheiba bleiba m'r bei d'r Ruth iatz stiahn,
leatscht's Jahr hasch mißa in Waldemar lassa giahn.
Für'n Waldemar lass m'r no a Raketa in Himmel marschiera,
und an Böller ganz laut explodiera.

Autohaus Maschler

Dass sich da Pajero mit Schneepflug richtig rentiert,
muas man ou nutza, deas hoba sie glei kapiert.
Drum hat er bewiesa dass er nit lei am eigena Parkplatz schieba kann,
denn iaz fahrt er sogar bis auf Pians zum Tschiderer mit seinem Gspann.
An gemeindeübergreifenden Nachbarschaftsdienst, klingt komisch aber wohr.
Weil Unternehmen miaßa zommholta deas isch klar.
Mir wünsch dir a guats Geschäft und hoffentlich kua neue Stuir (Steuer),
und schießa dia Scheiba iaz weit ocha direkt ausm Fuir!

Fam Juen Klaus Anna

Jo bei dr Anni und beim Klaus,
isch olli olles schia ordatli um's Haus.
Im Winter wenn's schneibt tuater's nit versauma,
und den Schnea glei mit seir Fräsa auf'd Seita rauma.
A poor Gäscht gia o uno bei enk in und aus,
dia hoba jo leicht Plotz in enker groaßa Haus.
Des isch a feine Zusotzpension,
dia man o guat braucha kann.
Für des Johr wünsch mar enk Gsundheit und s'ollerbescht,
an Böller schiaß mar dazua no z'lescht.

Thöni Maria

D'Maria mehta mar iatz die schiane Scheiba geba,
sie sett bsunders weit ochasegla.
Kua Krankheit sett die ploga,
dafür tia mar a Raketa weit aua joga.